

نعت شریف

زلیخا ہک حسن یوسف تے تھی شیدا تے مستانا
پر این یوسف عرب والے تے جگ سارا ہے دیوانا
ایندا شائق کلیم اللہ صفی اللہ نجی اللہ
خلیل اللہ تے روح اللہ امے ہے جانان جانانا
کیویں اصحاب ہن گالھے بدر خیبر احد والے
ریہے ثابت قدم نالے جیویں شمع تے پروانا
سبھئی ہن ڈیکھ تے جیندے نہ ہک پل ہن پرے تھیندے
لکھاں درجے میں کیا ایندے امے کل مرسل توں وڈشانا
مہر دی جاں نظر بھالے ہزاراں درد غم ٹالے
وڈے صاحب شرم والے امت عاجز دا خصمانا
عبدالغفار سگ در دا اوں مدنی ماہ پیکر دا
اوں سرور لاج پرور دا ایندا دربار شاہانا